



Qhov Kev Pabcuam Uas Npaj Roj thiab Hluav Taws Xob Pheej Yig thiab Pub Siv Ntau Rau Cov Neeg Muaj Mob (Medical Baseline Program)

Kev txuag nyiaj thiab kev nyabxeeb rau cov tib neeg uas yuav tsum tau muaj cov kev pab tshwjxeeb

Cov Ntsiab Lus Dav Ntawm Qhov Kev Pabcuam

PG&E Qhov Kev Pabcuam Uas Npaj Roj thiab Hluav Taws Xob Pheej Yig and Pub Siv Ntau Rau Cov Neeg Muaj Mob (Medical Baseline Program) yog ib qho kev pabcuam rau cov pejxeem siv hluav taws xob uas yuav tsum tau muaj kev pab tshwjxeeb siv vim muaj mob uas ua rau lawv tsim nyog siv tau qhov kev pab. Qhov kev tsim nyog siv tau qhov kev pabcuam yog saib raws li cov mob ib tus neeg muaj lossis tej yam uas yuav tsum tau muaj rau ib tus neeg nyob hauv koj yim neeg siv, TSIS yog saib raws li cov nyiaj tau los. Qhov kev pabcuam muaj ob yam kev pab:

- Ib tus nqi pheej yig me ntsis nyob rau ntawm koj daim nqi roj thiab hluav taws xob txhua hli (muaj roj thiab hluav taws xob ntxiv rau siv uas muaj tus nqi pheej yig tshaj plaws)
- Muaj lus tshaj tawm ntau zaug ntxiv kom paub ua ntej yuav muaj ib qho Kev Kaw Hluav Taws Xob Rau Pejxeem Txoj Kev Nyabxeeb (PSPS).

Cov Mob thiab Khoom Khomob Pivtxwv Uas Yeej Tsim Nyog Siv Tau Qhov Kev Pabcuam:

- Kabmob Multiple Sclerosis
- Kabmob Hawbpob/Ua Tau Pa Nyuaj Thaum Tsaug Zog (Sleep Apnea)
- Yuav Tsum Muaj Cua Sov/ Cua Txias
- Cov Tshuab Ua Pa (Respirators)
- Cov Rooj Zaum Muaj Log Uas Siv Tshuab
- Cov Tshuab IPPB/CPAP
- Tshuab Lim Ntshav (Hemodialysis Machines)



Yog xav tau daim ntawv teev txhua yam mob thiab tshuab uas tsim nyog siv tau qhov kev pabcuam, mus xyuas ntawm pge.com/medicalbaseline lossis hu **1-800-743-5000**.

Muaj Lus Tshaj Tawm Ntau Zaug Ntxiv Kom Paub Thaum Muaj Ib Qho Kev Kaw Hluav Taws Xob PSPS

Yog thaum muaj huabcua phem uas ntxim yuav tsim teebmeem rau ib feem ntawm txoj kev xa hluav taws xob mus rau ib lub zejzoz, tej zaum nws yuav tsim nyog kom PG&E los mus muab hluav taws xob kaw sub pejxeem thiaj li muaj kev nyabxeeb. Qhov no yog hu ua ib qho PSPS.

Yog thaum twg ua tau, PG&E yeej muaj kev ceebtoom ntau ntau zaug rau cov yim neeg uas siv qhov kev pabcuam Medical Baseline Program ua ntej muaj thiab thaum muaj ib qho kev kaw hluav taws xob zoo li no los mus pab kom lawv npaj tau.

Yog tias peb hu tsis tau koj hauv xovtooj, xa tsis tau ntawv xovtooj lossis hauv email tuaj rau koj, PG&E los kuj yuav tuaj khob cov qhov rooj ntawm cov neeg siv hluav taws xob uas yuav tsum tau muaj hluav taws xob rau lawv cov tshuab tuav txoj sia yog thaum twg peb ua tau.

KEV MUS THOV PG&E QHOV KEV PABCUAM UAS NPAJ ROJ THIAB HLUAV TAWS XOB PHEEJ YIG AND PUB SIV NTAU RAU COV NEEG MUAJ MOB (MEDICAL BASELINE PROGRAM)

NWS YEEJ YOOJYIM ZOO LI 1,2,3!

1 MUS TSHAWBXYUAS SAIB KOJ PUAS TSIM NYOG SIV TAU QHOV KEV PABCUAM. Mus xyuas phab ntawv teev txhua yam mob/tshuab uas tsim nyog siv tau qhov kev pabcuam muaj nyob rau ntawm pge.com/medicalbaseline thiab mus hais kom ib tus kws khomob los mus sau ib tsab ntawv lees paub tias ib tus neeg nyob hauv koj lub tsev yuav tsum tau siv ib yam khoom khomob uas tsim nyog siv tau qhov kev pabcuam (lossis yuav tsum tau siv cua sov/cua txias) los mus kho tus neeg ntawd tus mob. Nco ntsoov, qhov kev tsim nyog siv tau qhov kev pabcuam Medical Baseline yog saib raws li cov mob lossis tej yam uas yuav tsum tau siv xwb, TSIS yog saib raws li cov nyiaj tau los.

2 MUS XYUAS NTAWM pge.com/medicalbaseline los mus rub thiab luam daim ntawv teev npe thov qhov kev pabcuam Medical Baseline Program (application) lossis hu **1-800-743-5000** thiab mus thov kom lawv muab ib daim ntawv teev npe thov xa hauv tsev xa ntawv tuaj rau koj.

3 UA KOM TIAV THIAB KOS NPE RAU Ntu Ntawv A ntawm daim ntawv teev npe thov qhov kev pabcuam uas npaj roj thiab hluav taws xob pheej yig thiab pub siv ntau rau cov neeg muaj mob thiab nco ntsoov muab Ntu Ntawv B rau ib tus kws khomob ua kom tiav thiab kos npe rau. Tom qab ntawd, koj mam li muab xa mus rau:

**PG&E Credit and Records Center
Medical Baseline
P.O. Box 8329
Stockton, CA 95208**

Koj Puas Npaj Tau Ib Txoj Kev Los Ceev Kom Koj Muaj Kev Nyabxeeb Thaum Hluav Taws Xob Tuag Lawm?



MUS MUAB KOJ TUS XOVTOOJ THIAB EMAIL HLOOV RAU KOJ TUS TAM SIM NO nyob ntawm pge.com/mywildfirealerts lossis hu **1-800-743-5000**.



NPAJ THIAB XYAUM los mus ceev kom koj thiab koj tsev neeg muaj kev nyabxeeb thaum muaj ib qho xwmceev. Mus xyuas ntawm pge.com/wildfiresafety yog xav paub cov kauj ruam uas koj yuav siv tau los npaj.



MUS XYUAS KOM KOJ PAUB TXHUA YAM XOVXWM TXOG KEV MUAJ HLUAV TAWS XOB TUAG rau ntawm pge.com/outages.



THAUM MUAJ IB QHOV KEV KAW HLUAV TAWS XOB RAU PEJXEEM TXOJ KEV NYABXEEB thov teb xovtooj thiab/lossis teb cov xov xa hauv xovtooj uas hu lossis xa tawm ntawm **1-800-743-5002 tuaj**. (Tswvyim pab: Muab tus xovtooj no khaws tseg rau hauv koj lub xovtooj)



PUAS YUAV TSUM TAU NPAJ KEV PAB TSHWJXEEB RAU KOJ THAUM MUAJ IB QHO KEV KAW HLUAV TAWS XOB? Yog tias koj lossis ib tus neeg koj paub muaj kev xiam oob qhab lossis yuav tsum tau npaj kev pab tshwjxeeb rau, lub chaw California Foundation for Independent Living Centers yuav pab tau koj thaum muaj ib qho kev kaw hluav taws xob PSPS. Yog xav paub ntxiv, thov mus xyuas ntawm disabilitydisasteraccess.org.

Vim txoj kev txwv kom neeg yuav tsum tau nyob twb ywm hauv tsev los ntawm tus kabmob COVID-19 thiab qhov uas tau muab kws khomob cov dejnum hloov tias cov kev khomob twg yog cov tseemceeb tshaj tam sim no, PG&E cov neeg siv hluav taws xob yeej muab tau kev lees paub tus kheej tias lawv yeej tsim nyog siv tau qhov kev pabcuam los sau npe nkag mus siv qhov kev pabcuam Medical Baseline. Yuav tsis tag muaj ib tus kws khomob tus ntawv tes kos npe los mus thov, tiamsis tej zaum yuav tau muaj ib tus kws khomob tus ntawv tes kos npe thiaj li yuav siv tau qhov kev pabcuam mus ntev tshaj ib xyooos.

LUS QHIA NTXIV RAU COV KWS KHOMOB

Ib tus kws khomob uas muaj ntawv tso cai, ib tus kws tu neeg mob, ib tus kws pab kws khomob lossis ib tus neeg muaj ntawv tso cai los nawm tsab cai Osteopathic Initiative Act, yuav ua tau tsab ntawv lees paub tias ib tus neeg mob yeej tsim nyog siv tau qhov kev pabcuam vim nws muaj ib tus mob lossis ib tus kabmob uas yuav ua tau rau nws tuag. Qhov kev pabcuam ntawm no yeej tsis muaj kev cuam tshuam mus rau lwm qhov kev pabcuam rau kev khomob zoo li Medicare lossis Medi-Cal thiab tsuas yog npaj muaj ib tus nqi roj thiab hluav taws xob pheej yig mes ntsis los ntawm PG&E thiab muaj kev tshaj tawm ntau ntau zaug kom paub thaum muaj ib qho kev kaw hluav taws xob PSPS xwb. Muaj ib phab ntawv teev tag nrho cov mob thiab tshuab uas tsim nyog siv tau qhov kev pabcuam nyob rau ntawm pge.com/medicalbaseline.

Tom qab cov hav zoov kub nyiab thaum xyoo 2017 thiab 2018, ib txhia kev hloov uas peb tau muab tso rau hauv daim ntawv no yeej yog cov uas peb tau muab xav tias yog lus ceev faj ntxiv los txo txoj kev ntxim yuav muaj hav zoov kub nyiab yam tom ntej. "PG&E" yog muab los ntawm Pacific Gas and Electric Company, uas yog ib ceg lagluam ntawm PG&E Corporation. ©2020 Pacific Gas & Electric Company. Zwm muaj cai tag nrho. CCC-0620-2539. 04/23/2020.